

四川府縣志輯

中國地方志集成

光緒叙州府志(二)



中國地方志集成

四川府縣志輯 ②⑨

光緒叙州府志(二)

巴蜀書社 ● 江蘇古籍出版社 ● 上海書店

中國地方志集成

四川府縣志輯②⑨

出版 巴蜀書社

(成都鹽道街三號)

印刷 成都東方福利彩印廠

發行 四川省
新華書店

責任編輯 王維新
封面設計 范一辛

(川)新登字〇〇八號

1992年8月第1版 1992年8月第1次印刷

ISBN7-80523-478-7/K·96

敘州府志卷二十九

官蹟

本府

漢唐 蒙 武帝時上書言由牂牁下南越之策拜蒙

為中郎將從笮關入布漢威德卒通犍道

陳 立 臨邛人成帝時為牂牁太守討平夜郎後

犍夷叛復命立鎮之蠻夷畏服

朱 博 漢書本傳字子元杜陵人遷大司農坐法

左遷犍為太守先是南蠻若兒數為寇盜博厚結其

昆弟使為反間襲殺之郡中以清

敘州府志卷二十九

官蹟

一

本府

文 齊 華陽國志為犍為屬國穿龍池溉稻田為

民興利

漢鄧 方 三國志楊戲傳季漢輔臣贊鄧孔山曰

安遠強志允休允烈輕財果壯當難不惑以少禦多

殊方保業陳壽注曰孔山名方南郡人以荊州從事

隨先主入蜀蜀既定為犍為屬國都尉因易郡名為

朱提太守選為安遠將軍庾降都督住南昌縣章武

二年卒

通志

唐張九宗 德宗時戎州刺史以治化稱嘗撰花臺寺

記並書字畫遒勁

宋宋太杓 澤州晉城人以大理寺評事通判戎州多

善政降詔褒美遷贊善大夫 按通志作宋太初

呂 開 知戎州嘗行免役法入奏稱旨

周 湛 登州人通判戎州俗不知醫有病輒事巫

禳湛取古方書刻石教之並禁為巫者州人始知醫

藥

邵 隆 紹興中知商州值和議已定割商州為外

境隆不悅嘗遣兵盜馬以擾之秦檜恨隆遂改隆知

敘州一日飲酒暴卒人皆謂秦檜使人酖之云

何師心 資中人孝宗時知敘州南蠻叛修戰守之

敘州府志卷二十九

官蹟

二

本府

具置砦柵以保居民郡人德之

元張廷瑞 全州人為敘州宣撫使立市茶法並屯田

之制民甚便之

明桂 芝 慈谿人洪武中知敘州府公廉自持興利

除害卓有惠政

饒 觀 饒州人永樂中知敘州府立法度修禮教

吏民畏服

陸淵之 上虞人成化中知府葺學宮毀淫祠政教

並舉士民懷德

丁 潞 成化中知府嘗單騎服夷人鄰郡有張乙

者叔姪相訟不休瑤以至誠開諭民遂感悟自息云
李鑑 湘陰人景泰中知敘州誠心愛民不受請託事至剖決如流案無停牘

吳愈 崑山人進士成化中知府敘俗獷吏黠愈持以鎮定發摘如神慶符盜劫縣治捕得二十七人已誣服愈疑之詣縣辦審釋之果獲真盜士官安鰲以馬湖叛眾議用兵愈持不可曰鰲無遠謀彼中無水當重圍以困之已而棄城走愈慮其糾諸酋為難抵其巢諭之眾解散土司宴然在敘九年以績最遷河南參政

敘州府志卷二十九

宦蹟

三

本府

胡澧 三水人正德中知府興學校恤困窮置鋪舍平道塗其政績懋著

李文明 甘肅通志階州人正德中舉人授敘州同知政治清廉蜀民稱頌及歸宦橐蕭然通志

王尙用 安福人嘉靖間同知修職愛民上下信服歷任九年始終一致

余良翰 奉新人嘉靖末知府有惠政士民懷服常捐俸培修府治東南兩塔不以煩民

張邦敬 陝西通志字簡甫韓城人萬曆癸酉舉人升敘州知府敘荒裔文教殘缺邦敬為刊四書五經

於學安奢土司叛亂大兵勦之邦敬理餉有功升安縣兵備副使

張向宸 雲南通志字斗南劍川人萬曆甲午舉人擢蜀敘州府推官在任四載十署府州縣事所至稱廉明士酋奢崇明積年逋賦累官向宸親往理諭之未返署奢已盡輸納通志

趙遠 貴州舉人任通判署富順一僕自隨節省財力鼓舞生徒邑人為立遺愛碑

陶濂 曲靖人進士嘉靖中任推官署富順奉法無私豪猾屏跡邑人德之

敘州府志卷二十九

宦蹟

四

本府

趙儒 陝西華陰人嘉靖間知府平易近人寬嚴得體治獄無冤敷教善誘士民感悅

殷大白 北直雞澤人舊志未詳其官性廉介正直上司皆推重之值大旱蔬食步禱妻病思食肉大白曰我為萬民請命而以此損之卒不可尋大雨

石雷 雲南通志保山人嘉靖丙午舉人性直諒尚氣節任敘州府通判通志

彭大同 江南通志海門人以歲貢為敘州推官有孝廉殺人臬司推門望罰金三百鍰釋之大同怫然曰殺一人罰三百金將挾萬金而殺三十人乎竟擬

梓又民有修怨仇家乘父老病扶至河壩挑其仇毆之立斃訊者但論仇人死大同判曰欲甘心於仇因忍視其父河壩之死誰則致之并坐于如律

王民牧 甘肅通志安定人少登科任順德敘州二府判雅持冰操行李惟圖書而已並通志

皇朝託隆 鑲黃旗滿州人乾隆十七年任敘州府政治民和於是增築城垣重建大觀樓皆事集而民不擾宋鳴琦 字梅生江西奉新進士嘉慶五年權知敘州府郵民愛土嘗改建翠屏書院以勸學崇師復捐資門膏火士林咸沐其惠

敘州府志卷二十九 官蹟 五 本府

張日鼓 字曉瞻貴州貴筑進士道光九年由翰林出守敘州勤政愛民尤喜培植士類每閱課卷必詳加評騁親爲解說時郡中登科第者率皆出其門下又嘗捐千金創建勵節堂並募貲置產以贍苦節郡人爲長生位祀之至今貧賤猶沾感無既

謝興曉 湖南湘鄉進士道光十四年知敘州府多惠政十七年馬邊夷匪滋事興曉會總兵張必祿會勦親入涼山夷巢邊氛遂靖

王思道 陝西蒲城人道光二十六年署知府勤庶務精聽斷日坐堂皇摘發如神郡人頌之嘗於城上

建文筆塔以培一郡風水又於安邊山頂建塔以厭火災皆有驗

李祐正 白旗漢軍進士咸豐六年任敘州府時蜀中尙安堵祐蒞任卽飭辦團練鑄銅礮數十招練丁百餘名時時訓練爲城守計並募存團底錢萬餘緡交紳董管理當時或謂其多擾迄九年滇匪圍郡悉資以守危城不陷皆由籌畫預周也

孫濂 字霽帆貴筑進士由知縣洊陞州府夙著循聲同治元年守敘州時石逆犯敘南警報日至楚軍至郡者以待餉不發濂權提富順鹽課以資兵餉急

敘州府志卷二十九 官蹟 六 本府

促楚軍往剿措置裕如閭閻遂獲安堵朱潮 字海門浙江會稽進士居諫垣有直聲比出守敘州賞善鋤奸會匪爲之斂迹每課士必捐廉加獎又嘗於養濟院增孤貧額一百餘名郡民咸稱頌之

宜成 鑲白旗滿州舉人由吏部郎出守敘州居官清正遇事務持大體嘗以康熙丙寅志太略疆域復與今異乃設局創修郡乘甫數月遽以疾卒身後蕭條郡人哀之

史崧秀 字琴生江蘇溧陽進士同治十三年任知

府廉靜不擾樂培士類嘗創設樂善醫館以濟貧民
悉蒙其惠並新採

以上政績

晉李 釗 南彝校尉李毅之子有勇略為本郡太守
數敗李雄軍殺其大將樂初

梁先 鐵 季吉甫元和郡縣志戎州即夔道縣李雄
竊據此地空廢梁大同十年使先鐵討定夷獠乃立
戎州即以鐵為刺史遂不改

唐韋 皋 德宗時為戎州都督蠻獠畏服立碑以誓
之郡人繪像廟祀焉

敘州府志卷二十九

宦蹟

七

本府

宋柳光熙 乾德間為南夷巡檢使號令明肅恩威並
舉十州五國二十九縣之夷悉向慕之

熊 本 宋史本傳番陽人熙甯中通判戎州習其

俗知夷人擾邊者介十二村豪為鄉導後羅曼夷叛

詔本察訪梓夔得便宜行事於是以計致百餘人梟

之瀘州其徒股栗願矢死自贖獨柯陰一首不至本

率軍進討柯陰乞降盡籍丁口土田及重寶善馬歸

之公上受貢職於是烏蠻羅氏鬼主諸夷皆從風而

靡願世為漢官奴渝州南川獠木斗叛詔本安撫本

進營銅佛壩擄其穴焚積聚以破其黨木斗氣索舉

漆州地五百里來歸為四砦九堡建銅佛壩南平軍
初熟獠王仁貴以木斗親繫獄本釋其縛置麾下至

是摧鋒先登大臣議加本天章閣待制帝曰本之文
朕所自知當典書命遂知制誥通志

薛九齡 舊通志知戎州時吳曦叛於蜀九齡鳩財
治兵卒討平之時頌其功

史 候 宋史理宗本紀寶祐四年知敘州調舟師
與元兵戰凡十三合詔官三轉通志

明陳大壯 江南通志字思直通州人嘉靖壬戌進士
以刑部郎出知敘州府督餉勦九絲蠻時積雨山險

敘州府志卷二十九

宦蹟

八

本府

不能進會九日大壯偵知蠻俗重賽會乘夜進兵懸
絙而上殺獲無算拓地五百餘里晉山東參政乞歸
養

盛 景 明史倪敬傳吳江人倚爽負氣嘗按廣東

劾巡撫侍郎揭稽不職稽坐左遷景後為羅江知縣

擢敘州知府並有禦寇功

趙隆美 江南通志常熟人字文度以父用賢陰歷

敘州知府天啟初擊退叛酋奢崇明兵並通志

徐久德 江西人天啟間知府時奢酋判人情惶惶

賊使卒索印久德斬之捐金募壯士守城民賴以安

尋陞兵備副使

皇朝顏 敷 順天宛平縣舉人康熙十六年任知府值

漢寇犯境守城有功又多惠政卒於官士民請祀名

宦祠

以上武略

東楊術 晉書成帝紀咸和二年春正月甯州秀才龐

遺起義兵攻李雄將任回李謙等雄遣其將羅恒賈

黑等救之甯州刺史尹奉遣裨將姚岳朱提太守楊

術援遣戰於臺登岳等敗績術死之

宋王 宣 宋史神宗本紀元豐三年乞築冠戎州兵

敘州府志 卷二十九

官蹟

九

本府

官王宣戰歿

康 訓 宋史西南諸夷傳六年九月詔王懷信為

嘉眉戎瀘等州水陸都巡檢使開門祇候康訓為都

同巡檢使十一月懷信康訓分領緣溪入合灘至生

南界斗滿村進壁安寨至斗行村連破夷砦及兩路

兵會於涇灘置砦遣康訓部填砦卒修涇灘路俄為

夷賊所邀戰不利訓顛於崖死之

楊大全 宋史理宗本紀純祐二年十二月元兵連

攻敘州帳前都統楊大全等水陸並進自卯至午戰

十數合歿於行伍詔贈武節大夫眉州防禦使官其

二千承節郎

明熊嗣先 湖北通志字懷慎麻城人萬歷舉人官敘

州府同知以督兵死於奔崇明之難事聞贈廕並通

皇朝周基昌 陝西城固人順治初從大兵至安延招撫

諸砦有功授敘州府知府賊黨劉文秀自滇窺蜀城

陷不屈死

通志

以上忠節

宜賓縣

宋張齊賢 嘉祐間以尚書員外郎知縣事有德政碑

立泊西十五里道旁祀名宦祠

敘州府志 卷二十九

官蹟

十

宜賓

明張雲鵬 大理人嘉靖初以部郎左遷宜賓令為人

寬厚民心愛戴歷敘瀘兵備今祀名宦祠

嚴 清 雲南府人嘉靖間進士明敏善斷節省財

役屬歲歉設策賑濟民賴以安去時行李蕭然唯圖

書數篋而已祀名宦祠

李盛麟 景泰中知宜賓愷悌慈祥愛民如子歷任

九年百廢俱修時稱為賢令今祀名宦祠

邵 炯 北直舉人萬歷間知宜賓值歲旱民饑多

死炯設策散米給粥活者以萬計有生祠肖像祀之

今祀名宦祠

仲進 浙江人成化間進士任宜賓縣令愛民好士親課耕桑自爲講學人有訟者輒以理論之訟者自解年六十致仕歸士民攀轅涕泣千百人

皇朝焦湘 河南貢生康熙四十年知宜賓縣時學宮傾圯止存正殿數楹甲申春捐募重建製秘閣以奠神像屬邑紳樊澤達彭惠吉等董率之規模宏壯學校賴以振興

初元方 山東萊陽進士乾隆二十八年以才能擢調宜賓時奉檄修城與郡守託隆謀經營策擇邑生老成者董率之八閱月而工竣高於舊者三尺修補

敘州府志 卷二十九

宦蹟

士

宜賓

崩缺者凡八十一處費四千金有奇民樂供輸趨事者悉忘其勞

李宜相 廣東信宜進士乾隆三十八年知宜賓縣創設普濟堂以養孤貧又創修仰化樓於治東勤政惠民卓有聲譽

劉元熙 字緝生江西崇仁舉人嘉慶十六年知宜賓縣時大府檄各州縣採訪修志以備纂通志之用因創修縣志四閱月而書成又建修學院行署規模濶大士之試於院者咸頌之

陸成本 浙江蕭山人嘉慶間任縣令創建普濟院

育嬰堂棲流所及文昌宮壽昌寺各祠廟又設小學四十所以教貧民子弟其餘惠政多不勝紀祀名宦祠新

王金綬 字伯霞貴州平越州人嘉慶癸酉舉人咸豐六年調任宜賓下車之始和輯士民興利除弊知無不爲聽斷以情事治而民不擾旋量移解任九年回任滇匪猶擾百花場一帶撫循羣夷解散協從民賴以安後陞京秩去

節遺愛碑

葉朝采 字小舟浙江錢塘進士道光二十四年在宜賓縣聽斷明決譽著廉能遷邛州直隸州去

敘州府志 卷二十九

宦蹟

三

宜賓

朱琦 字雲岑順天宛平進士道光中任宜賓縣卹民教士勤惠並著時郡守張日景創建勵節堂琦捐廉五百金爲助又捐千金助書院膏火邑人爲長生位祀之

楊炳銓 字春樵雲南鄧川進士咸豐三年署宜賓縣勤於任事嘗創辦團防制軍械鑄大礮以備城守及滇逆圍郡防守多資其具

鄧友仁 字達卿湖南武岡貢生成豐十一年署知縣時髮逆擾亂友仁添修治南護城及水城爲衛又添設軍械籌餉費壁畫勤勞事無不舉

林嘉澍 字崧雲湖南安福舉人同治三年署知縣時軍事初平與民休息尤能以文學飭吏治每課士必諄諄講說如藝師之誨弟子士民稱之

潘先珍 字席卿江西星子解元同治九年知宜賓縣守已清廉勤於撫字每教民儉約而自以布衣蔬食先之壬申歲旱平糶縣境五十六場皆令募捐舉辦先捐廉大場二十兩小場十兩為之倡全活無算採訪貞孝節烈千八十名捐廉請旌建總坊建祠於城東復捐春秋祭需挂冠歸邑人謳思不已

沈棫 字鏡湖浙江歸安人同治十二年署知縣創

敘州府志 卷二十九 宦蹟

三 宜賓

建敷文書院增膏火以招徠士類時郡守宜成創修郡志棫亦勤於勸辦

于騰 字蜚卿山東進士光緒中任宜賓縣創辦三

費民沾其惠值歲旱捐廉施粥後卒於任並新採

以上政績

明應瑞秩 杭州舉人崇禎甲申知宜賓縣流寇破郡

瑞秩抗節走烏蒙集眾起義兵適官軍恢復瑞秩以

眾赴之起陞郡守後以病卒

右武略

明艾吾鼎 明史忠義王勵精傳興文知縣漢川艾吾

鼎合家被難殉節諸臣錄興文知縣艾吾鼎漢川人崇禎十一年署宜賓事獻賊陷城閤門被難乾隆四

賜諡烈愍

通

皇朝王國棟 永甯人出行伍補敘馬營額外外委於同

治元年十月在縣所屬之涼風垌打仗陣亡

馬天貴 成都人懋功營副將滇匪圍城帶兵由大

麥壩攻打吊黃樓所至披靡深入賊巢因援兵不至

力竭遇害

樊包 字心甫名山舉人滇匪入川捐貲募勇堵

敘州府志 卷二十九 宦蹟

西 宜賓

勦以功加同知銜奉檄勦李逆於宜賓之八角寨直

搗賊巢被圍遇害士卒殉者數十人俱伏護包屍以

死事間贈某官

勦建專祠於名山祀焉

唐成功 城守營千總在吊黃樓陣亡

趙三元 駐防千總在教場壩陣亡

杭在田 敘馬營外委咸豐十年在貢井陣亡

王國樑 敘馬營額外同治元年在宜邑涼風垌陣

亡並新採

以上忠節

慶符縣

明周璧 湖廣拔貢成化十年任縣令革陋習正儒風邑多游民不知務本出郊勸農不憚勞瘁遂改積習崇祀名宦其後邑人合吳國玉李嘉會立三公祠祀之

吳國玉 湖廣人嘉靖四十三年任縣令爲政寬厚民心愛戴祀三公祠

李嘉會 雲南祿豐人萬曆十七年任縣令愷悌慈祥愛民如子時稱爲賢令祀三公祠

葛楚士 湖廣施州衛拔貢萬曆三十五年任縣令

敘州府志卷二十九

宦蹟

五

慶符

愛民好士親課農桑自爲勸學明敏善斷邑人合宋公進儒附入祀三公祠易名五公遺愛祠

宋進儒 陝西蘭州人萬曆四十年任縣令寬猛得體治獄無冤人有訟者輒以理論之訟者自解鼓舞生徒邑人因祀五公遺愛祠

殷逢世 陝西歲貢崇禎五年任縣令勤能素著剛介自持重建文廟捐俸以爲士民倡

羅鳳 字文祥湖廣巴陵人任教諭頗有氣節師範端嚴一時名人如楊一清蔣冕周敘等皆出其門下萬曆間何汝成按部至縣立廟祀之張景賢有記

皇朝陳沂震

江南進士康熙二十年任縣令文廟僅存基址春秋祭設木主覆以篋席公傷儉陋捐俸增修廟貌爲之一新

丁林聲 直隸通州舉人康熙二十一年任縣令居民鮮聚設法招徠給牛隻教籽種勸士讀書人皆感德

張心至 字慕川山西沁水進士乾隆庚子年任縣令繼前令瑞創建西江書院嚴以課士文風丕變聽獄明敏奸宄斂跡陞刑部四川司印事時士民攀轅涕泣千餘人

敘州府志卷二十九

宦蹟

六

慶符

時畏天 字鳳岡雲南趙州舉人乾隆五十四年任縣令慈祥善化教養殷勤重修文廟創建先農壇凡有利民生者次第舉行解組泣別士民猶諄諄勸戒至今輿情頌祝不休

李大經 字敘亭廣東嘉應州舉人嘉慶十二年署縣令增置南廣義莊收埋浮屍自捐銀五百兩爲士民倡至今浮屍漂亡者得歛葬焉

楊佩芝 貴州舉人嘉慶二十一年任縣令好士愛民留心學校整頓書院酌定章程頗費苦心改建縣東門又改大成殿向玉屏山科第賴以繼起

熊燦奎 貴州人庚子進士道光二十四年任縣令
清廉公恕嚴於懲奸尤喜培植學校書院章程年久
廢壞清釐一切士人德之

華印亭 江蘇吳縣進士道光二十七年任縣令刑
輕政簡慈惠愛民時降邑多匪徒乘夜塗面搶劫捐
廉募勇防守民咸安堵

左元煥 安徽桐城進士道光三十年任縣令清廉
儉約與民相安課士最嚴縣南廣創設救生船邑人
士為立日棠遺愛碑

李忠清 浙江人咸豐九年任縣令練團禦賊創修
城垣民咸德之縣東門外建有德政坊并各場立有
德政碑

陳我聖 貴州綏陽拔貢康熙二十年任教諭與邑
令陳沂震約邑進士李華松等捐俸募資增修 文
廟凡庀材鳩工不辭勞瘁人稱善焉

陳璜 字玉峯新津拔貢選邑教諭善書法振興
學校生徒日進訓迪士子多所成就著有四書講義

以上政績

皇朝沈 鵬 浙江進士順治十八年任縣令適橫江四
屯夷人陳奎等作亂賊黨分犯慶符因團剿賊挺身

禦之力屈被劫會永甯總兵高宗等領兵赴援得免
害復破賊南廣收復敘城

右武略

朝武來雨 字聰濤戊午來宰慶邑明年滇匪窺伺川
疆公集團民募壯士拒賊於筠屬要隘屢請兵不至
乃集紳耆告曰吾將死以報國此地無兵無城

有願避者聽並遣書諭賊無傷百姓率其妾張氏
死之留葬邑中遺命題其墓曰清殉難知縣武聰濤
之墓聯曰自服古以入官半生坎坷終捐軀而報國

千古光昭

敘州府志 卷二十九 職官宦蹟附 大 慶符
馬全忠 任汛防千總壬戌五月髮逆入境帶兵禦
賊於長甯力戰陣亡

蘇寶林 任典史庚申正月夷匪出巢禦於筠境戰
歿

以上忠節

富順縣

漢姜 詩 字士游廣漢雒縣人與妻盡孝永明中拜
郎中除江陽令民感其惠為立祠事見後漢書

漢張 翼 字伯恭健為武陽人太守綱之曾孫昭烈
時舉孝廉為江陽長盡心國事公而忘私以劉冒叛

逆徵還羣下請馳驅卽罪翼作色曰豈可以黜退之
故廢公家之務乎遂統攝舊職兼積糧爲滅賊計代
者卒因其成破胃姜維伐魏翼每勸其保國不宜顯
武累官左車騎將軍領冀州刺史縣令
宋周延儒 仁宗景祐間以太常博士知富順監文學
豐贍爲治有聲時比之河陽潘令云

南程 驥 邑人高宗紹興中進士知監事鳴琴而治
有宓子賤風嘗自吟以見志曰俗似華胥與拙宜居
官猶是在家時出從州縣供租役歸遺湖山作住持
吏散庭空無一事雲來雨過只催詩

敘州府志 卷二十九

宦蹟

九

富順

李深甫 河南人乾道中任時值大旱深甫祈禱有
應民咸頌之

楊泰之 眉州青神人立朝敢言擢知富順監蒞政
有聲去官後以祿廩數千緡予鄰里千緡爲義莊時
論評以爲有范文正風

楊 騫 眉州人下車後留心民瘼時以仙茅病民
白制帥特爲蠲除至今邑無仙茅擾者公之賜也

王純仁 眉州人居官以儒雅飭吏事登臨賦咏石
刻多存

黃 裳 字唐卿資中人以勤政聞

虞夷簡 仁壽人丞相允文孫知富順監以崇化善
俗爲務禁科斂恤貧饑儲藥石立義莊魏了翁稱其
能盡心民事

趙希益 金華人理宗寶慶中任監學教授修學校
以崇風教儲米穀以待凶荒井竈鹽鑿一切革除又
置養濟院捐造民房掩埋遺骸凡所澤民未易指數
聽訟如神得其情尤不忍置於法居官遇僚以情接
士以禮淡泊甯靜悠然山水之間去之日士民繪像
以祀

敘州府志 卷二十九

宦蹟

三

富順

郭知遠 知監事舊以鹽移贍遂甯生徒歲爲緡八
十萬緡知遠以公養不豐請於漕臺俾歸之監學民
甚便之

家 炎 字季文度宋咸純中知富順監吳曦叛力
拒僞檄不屈魏了翁稱之及卒爲作誌以紀其詳上
監知

元任顯忠 凌雲人武宗至大四年以武略將軍任有
能名士民交相推許

彭宗漸 塗陽人開國勛臣忠愍公之嫡孫順帝至
元三年任布化宣猷殊多建立時有象賢之譽

蒲善繼 順帝至正十一年任留學學校士民頌之

州知

李拜要元歹 奉元人泰定四年任以洗冤澤物為

心判

明鍾 鉉 字公鼎洪武六年任立縣之初萬事草創

鉉早作夜思陳立綱紀自宗廟壇墀下至市廛民居

靡不規畫周至邑中政教自鉉始

崔 藝 字幼通萊陽人洪武末年任為政寬猛兼

施德威並著吏民懷畏焉時公廨遭暴水浸溢藝徙

之故地邑稱其度地之善

舒有常 字大經江西靖安人永樂中任生平簡靜

敘州府志 卷二十九

宦蹟

三

富順

有謀愛民重土時採辦大木民力罷勞有常率作之

餘備極軫惜一時之民忘其勞而事亦濟

吳 善 直隸貴池人宣德間由眉州判官陞任縣

時盜寇蜂起善嚴法捕治境賴以甯辛亥夏大旱竭

誠祈禱與童耆跣足詣祠廟叩拜未及旬日雨大沛

是歲竟臻豐稔邑人呼為善霖焉

李 真 字子誠陝西咸甯人正統八年癸亥由抽

分大使薦知縣事居官勤慎恩威並用嘗奏設巡檢

弭盜安民並奏除本府稅外軍需革汰邊糧及部運

諸弊修葺文廟及兩廡諸楹丁卯重修治署後廳戶

部主事汪回顯撰碑記

孫 璫 直隸無錫人天順元年由進士任居官有

才力膽智凡有德怨於人務為分明平其報復又重

修 大成殿及兩廡戟門櫺星門明倫堂會館廳有

記

李 嵩 山東德州人成化六年由舉人任留心學

校作養人才八年壬辰修葺學宮泮池有記

李廷聰 湖廣長沙人成化中由舉人任理煩治劇

游又有餘籌畫無不周到故其時事集而人懽

梁 文 字光輔龍泉人成化末由進士任本文章

敘州府志 卷二十九

宦蹟

三

富順

為政事維時士沐薰陶民邀撫字重修明倫堂規模

尤極宏偉

鄧 昌 湖南通志善化人由舉人知富順縣清賦

賑災加意興學多惠政升劍州守致仕歸通志

李 端 字表正湖廣棗陽人由進士官御史宏治

中謫任居官清介自守有行端表正之譽歷官至僉

事

周 熊 字應文陝西長安人宏治中由進士任渾

厚寬平視民如子於高年孤寡尤極保愛嘗集諸生

講論經義多所闡發又教農夫造作水車木牛以便

耕斂及去任父老兒童擁轅垂泣後入選御史巡按雲南途經富境閩邑齊迎歡聲滿街巷其得民心如此

謝 諮 字堯臣湖廣耒陽人宏治中由進士歷知縣知州以忤權貴謫重慶衛丞委署性洒落廉介夫馬支給概行裁抑嘗言為政之道興利不如除害已有好豪不法者以重法治之故人憚而悅服之尋代至陞衢州府通判

張文錦 陝西河州人正德三年任為政寬緩不以才能自擅尋調貴州并研去後嘗令人思

敘州府志

卷二十九

官蹟

重

富順

童 綸 字廷言湖廣孝感人正德六年由進士任性端嚴言動不苟勞心撫字而尤加意富民倉儲之蓄務令有餘以備旱澇時羣盜蠅聚四境騷然綸下車即以完繕雉堞為首務事竣盜息居民安堵又重修譙樓僉事蔣建昭助坊於署前以表之

尹孔常 字良臣江西安福人正德九年由教諭陞任善於記覽諸子百家悉能通曉而尤精於春秋僅科撫字之餘經生中有以疑難請決者皆能講論明析後以事調縣州德陽

周 夔 字公遜嘉魚人辛巳進士嘉靖二年癸未

任加意民事於學校尤所關心建立社學凡六處西湖書院其一也復重建明倫堂濬泮池又重修治署左右六房抱厦嘉靖四年鄰邑會興作泮池頌以美之

陳常道 字子中雲南呈貢人嘉靖八年以進士任諸練吏事時遇荒歉捐俸賑濟復逢瘟疫施藥救療民賴以存活者甚眾陞任之日老幼攀轅為立去思碑

楊 登 字子先咸甯人嘉靖十二年涖任性渾厚無械心居上臨下恂恂如也創建二堂以憂去後陞

敘州府志

卷二十九

官蹟

西

富順

比部主事

萬文彩 字國華雲南臨安人嘉靖十九年由進士任案無滯牘民鮮過情嘉靖二十年審編戶籍宿弊一清時有神君之號旋補任廣平陞南戶科給事中趙汝謙 雲南通海人嘉靖二十二年由舉人任持守清介一毫無輕取節夫馬裁冗費里閭咸相歌祝尋以調去任

嚴 清 字直卿雲南府人嘉靖二十四年由進士任妙年初試斷獄無殊老吏兼能清介自守邑供冗費皆節省自奉尤淡泊憂去時行李蕭然惟書籍數

篋而已重修鄉賢名宦二祠有記歷遷吏部尚書

曾省吾 字以三湖廣承天人嘉靖三十六年進士任性高明措履不踰閑檢時以茂齡蒞繁邑諸緣如老成杜胥吏之弊均夫馬之差尤作義人才歲捐俸以資諸生營火所贍贖穀舉給邑之孤貧者值殿材採辦當事者下出夫入山之令他縣因之傷死者甚眾省吾獨力持抗論徵銀募夫以全民命嘉靖已未建撰儒學題名碑記官至工部尚書

劉一孚 山東益都人嘉靖三十九年進士任渾厚精明與民休息而豪民猾吏無敢逞奸歷遷工部

敘州府志

卷二十九

宦蹟

重

富順

參議

陳謨 字子明號正菴湖廣麻城人嘉慶四十一年以進士任性量淵深文章蘊藉養民教士兼舉有方而材武亦復沉毅時妖賊蔡伯貫作亂寧與盈邑互相聲援謨召集義勇朝夕訓練遂斬妖黨城賴以完

趙遠 字元靜貴州永甯人嘉靖甲申由舉人任本府判署縣檣一僕赴官甘清苦人莫能及諄諄以善導民一切弊竇闕殆盡遇事叢集迎刃即解而振學校禮賢才尤得人心恥於承謁故坎坷仕路陞

府同知去之日邑人鐫石以誌遺愛

陶廉 字敬甫雲南曲靖人嘉靖己亥由進士刑部主事添駐本府署縣老成練達邑有數盜出入勢家賄賂實緣累犯累脫流毒地方廉計獲之繫死於獄境內肅清邑人戴德

王廷冕 貴州人嘉靖四十一年由眉州訓導署縣事公明廉潔官吏積弊一切革除案無留牘民無抑冤去日都人悼惜之

邱齊雲 字汝謙湖廣麻城人嘉靖四十五年以進士任諮達明敏諳於吏治虞詡利器時稱再見公餘與諸生會講多所闡發併工吟咏在邑著有墨花齋

敘州府志

卷二十九

宦蹟

美

富順

及西湖詩稿官至中憲大夫

劉方 字元和湖廣麻城人隆慶四年由舉人任氣宇冲和政事諸練營審編冊籍清查飛糧隱匿諸弊又修城築隄尤爲一方保障凡所設施均關治體其時本府欲加富邑徭役撥赴九縣應差當道已允方條陳糧重地狹土瘠民貧不應以一縣之民應九縣之役抗議力爭卒寢其議尋遷鎮江同知

查偉 雲南鶴慶人隆慶六年由進士任涪州正慈惠持已馭民皆有規制所議鹽法悉準先哲

公管權條例至夫馬支給概行節省終不忍以供一已者妨百姓也陞南直隸鳳陽府同知尋遷真定府知府

秦可貞 字含章陝西咸甯人萬曆五年由進士任治劇理煩釐奸剔弊案無留牘尤敦崇學校一時被甄陶者多偉才都人士實嘉賴之

李發 陝西涇州人萬曆九年以成都府判署縣事度量淵深才能敏捷理煩治劇游又有餘民間疾苦尤所關心故供輸賦稅恒加意調停不七月以憂去邑中追思尚書李長春撰去思碑記

敘州府志卷二十九

宦蹟

三

富順

但貴元 字仁甫江西星子人萬曆十年由進士任每蒞事必以身先且淡泊自持卽居常服御亦必節省裁抑陞南京車駕清吏司主事撰題名碑記

張清 字原裕湖廣黃陂人萬曆十四年由進士任令邑六載以實心行政治行高等召入官工科給事中祠祀北門外事詳生祠碑記

董歷 字子衡湖廣景陵人萬曆二十三年由進士任性謙冲褻躬謹愼若不勝衣然洞悉利弊勇決有爲其釐定鹽政戢弭盜賊均有古良吏風一時民風士習多所裨益未幾憂去邑人咸惋惜之

袁汝萃 字綠厓湖廣石首人萬曆三十年由進士任爲治寬嚴得體操縱有方聽訟判決如流又復敦崇學校一時人士均受陶鑄古循良之遺也

黃大壯 字豪陽湖廣興國人萬曆三十五年由舉人任恭肅寬平淡泊自甘性尤敏決聽斷之餘清射影之源剔奸猾之隱使豪民狡吏無所逞其謀尋以艱去

徐騰芳 字雲卿江西宣城人萬曆四十年以進士由新津調任才識精明法度振舉城狐社鼠輩驅逐無遺羣奸莫不股栗陞授九江府同知

敘州府志卷二十九

宦蹟

三

富順

孫杰 浙江錢塘人萬曆四十四年由進士任潔己愛人邑稱父母且襟懷洒落不染宦情簿書餘閒吟咏自適常遊翠屏山題額聯石壁隸書甚工騷人墨士往往珍之尋內陞主事

楊啟昌 雲南人崇禎四年由舉人任克循厥職綽有循聲去之日民祀之

貢其志 字以達湖廣江夏人崇禎十年由屏山調任富順視事卽以修葺學宮自任由文廟兩廡以及明倫堂文昌閣名宦祠奎樓射圃鯉門泮池等皆區畫從新又以明倫堂西偏爲應龍飛昇之喚養池